

Sanhgyangh: Boq Venz Doxdax Langhbaij Daegsaek Dungcuz

11 nyied 7 hauh, Sanhgyangh Dungcuz Swciyen banh Gaiq Daihcibcaet Cunguek (Liujcouh • Sanhgyangh) Ciet Dohyeh Venz Doxdax Dungcuz. Miz 38 aen doih daj Gvangjsih, Huznanz、Gveicouh daengj dieg daeuj daengz Gujyiz Cin Mbanjyezyej camgya aen ciet neix. Gyoengqde yienjok lai cungj cezmuz, lumjbaenz doxdax boq venz、golaux Dungcuz、langhbaij gij vwnzva dajndaem daengj. Gij hozdung neix gig miz minzcuz daegsaek, yinx haujlai vunz daeuj humxyawj, nauhyied dangqmaz.

(Gungh Bujangh/龚普康)

► Gyoengqvunz Dungcuz doxdax boq venz.



Luzcai Yen Haeuj Ciengzgenjmak Lwnh-gangj Haj Cung Cienzhohi Cingsaenz

Mboengqneix, Luzcai Yen Bingzsan Cin boux-senhyangj haeuj daengz ciengzgenjmak bae lwnh-gangj gij cingsaenz Gaiq Cibgouj Haj Cung Cienzhohi Aendangj hawj vunzlai. Gyoengqvunz itmienh genj mak itmienh dingq, hag caeuq guh cungj mbouj nguh. Hag le, gyoengqvunz ndawsim cix miz soq lo, doiq cienzmienh laebbaenz aenbiengz siujgangh ndaej hingz dingh engq miz saenqsim.

(Lai Genveih/赖建辉)



▲ 11 nyied 4 hauh, bouxgenjmak itmienh guhhong itmienh dingq lwnhgangj.



▲ Gij vunz Mbanjyaisi raix makgaemjgaet haeuj ndaw lamz bae.

Canjnieb Makgaemjgaet Bang Vunz Yungzanh Demsou

11 nyied 8 hauh, makgaemjgaet Yungzanh hainduj ndaej sou ok haw gai lo. Youq ndaw suen makgaemjgaet、canghdensangh laeng Yungzanh dauq-cawq cungj ndaej raen gyoengqvunz guh dwk nyaengqfoedfoed. Yungzanh Yen miz 2.8 fanh vunz ndaej baengh gij canjnieb makgaemjgaet neix saedyienh onjdingh duetgunz. Bi ndeu vunz bingz-yaenz lai souhaeuj 5500 lai maenz, daiqdoengh 7 fanh vunz doxhwnj miz hong guh caeuq cauhnieb.

(Cimz Gingqhoz/覃庆和)

“Dangzgoq Caet Diemj Buenq” Vunz-laux Sim Onj Lwgnyez Sim Hai



Mboengqneix, aen vwnzmingz saedguh cungsim seizdaih moq laeng Bwzswz Si Yougyangh Gih youq segih banh aen “Dangzgoq Caet Diemj Buenq”. Gyoengqde cujiz bouxgagnyienh dangjyenz、donzyenz yivu son lwgnyez yawj saw guh cozyez, gajgez le gij vwndiz atdaenz lwgnyez bouxseng-eiq、boux guhhong cuengqhag le son'gyauq hojnanz haenx.

(Luz Gez/陆杰)

▲ Bouxgagnyienh son lwgnyez guh cozyez.